

Jaorverslag vastelaovesveriëning De Spurriemök seizoen 2003-2004.

Seizoen 2003-2004 un seizoen zoëas wej mar ien kier ien de elluf jaor hebbe. Ut begin is um bitje teij mar al snel zal ut jaorverslag volge.

Ut bestuur bestond uut:

Vurzitter	Wout Zanders
Penningmèster	Twan Voermans
Secretaresse	Rian Clephas
Vorst	Ruud Zanders
Bestuursleje	Hans Loonen
	Martien Steeghs
	Eric Flinsenbergh

De raad van elluf bestond dit jaor uut:

Jan Classens	Richard Geurts	Roel de Rijck	Frank Pluym
Johan Creanmehr	Emiel Evers	William Steeghs	Don Clephas
Dave Clephas	Erik Loonen	Fabian Voermans	Rob Pluk
Eric Geurts	Guus Willemsen	Marc Zanders	Ron Sanders

De raad van elluf vergaderde 8 kier bej Wout en Lilian an de Zandhoek.
Ut bestuur kwaam ien totaal 10 kier bejen.

Ut antal leje bedroeg: 182 leje.

Hiervan ware dur 7 bestuurslid, 16 raadslid en 6 iere-lid nameluk Jan Beerkens, Thei Hendrix, Hay Steeghs, Wil Willems, Gerrit Houwen en Jan Nelissen.

De rest steunt os veriëning en zien dur bej op dun Bonte Aovend.

Seizoen 2003-2004 was un prachtig mar un hèftig seizoen. Ut seizoen wier vur de verandering geopend mit de Bonte Aovend op 14 november ien de tent an d'n Zandhoek. Vur dat die tent dur stond en iengericht was hebben veul meense eur steente bej gedrage. Iederiën die ien welke vurm dan ok, bejgedrage hèt an dit spektakel, hartelijk bedankt names de Vastelaovesvereniging.

Bonte Aovend

Unne biezondere aovend ien un tent en de Kelderband die vur de lèste kier optrejt.

Kelderband bedankt vur alle jaore dat gillie de bals afmiekt mit ollie schonne noot.

De Bonte Aovend wier vur de pauze gepresentiërd dur ozze vurzitter Wout. Den stelde as urste de vief neje raodsleje veur: Roel de Rijck, Rob Pluk, Don Clephas, Frank Pluym en Ron Sanders.

De urste ekt ware 6 moje Oelderse vrollie (Linda Claesens, Janneke Lemmen, Jolien Cox, Loes Helligers, Lotte Steeghs en Klaartje Philipsen). Zej danste op un mixs van allerlei liedjes. Ut liekt wel of dat die vrollie elk jaor bèter werre.

Ienèns wier ut pikkeduuster ien de tent. Ut ware "twië neje" (Emiel Evers en Guus Willemsen). Zej liete ow huure en zien wat ge zowal vur geluid produciert as ge enne dag gaot visse.

Tussedur kosse wej nog geniet van de latste deuntjes van de Kelderband.

Vervolges kwaam "Joske" (Jos Loonen) den vertelde wat dur gebeurde as ge ut lève achterste veure zut belève. En eindeluk kwaam ozze neje Vorst uut. Nao veul umwege kwaam heej hiëlemaol van achteruut d'n tent. Daor was ie dan: Vorst Ruud.

Nao de pauze kwaame dur verhuusdoëze op de bühn. Dun durpspolitiek (Jan Janssen, Johan Verdeuzeldonk, Hans Loonen, Eric Flinsenbergh, William Steeghs en Bas Custers) begos op muziek van Bob de Bouwer mit eur stukske Zej vertimmerde en verbouwde alle roddels van Oeldere. Nao d'n durpspolitiek kwaam dur hiel wat boek op de buhn. De APK (Theo de Rijck, Pieter Janssen, Ruud Classens en Hans Maas) probierde de Kelderband te evenaren mit boekblaoze, mar dan motte ze noch wel un paar jaor oefene. As afsluuter kwaam er un spuit brabantse humor de zaal ien. Op dizze aovend was ut lèste woord vur de Kelderband, zej won op gepaste wijze afscheid nemen dur "Gèr gedaon" te speule vur Oeldere mit un eige tekst. Kelderband nogmaals bedankt dat gillie de Oelderse Carnaval mit ollie liedjes zo goed hèt laote slage.

's Zaoterdaags 15 november han wej ien d'n tent an den Zandhoek ut Vorsteraodsbal. Der stond enne mök op ut podium den tijdens de speeches aangetrapt mos werre. Piet Hermans moog dun aovend openene, mit ziene gulle lach en volle boek zaat hej stevig op dun mök. Daornao kwaame alle Vorste un speech gève van 7 minute. Ozze neje Vorst Ruud speulde kei goed ien op speeches van de andere Vorste. Dit jaor ware dur alliën goeje Vorste, iederiën haj un moje speech. Op dizze aovend wier dur de Kammerraaj van de Spurriemök geoberd. Kammerraaj bedankt veur ollie goeje zurge, alles liep goed. Daornao volugde nog un moj fiëst in de tent. Nao afloëp van ut fiëst kwaam de boel pas echt los. Roel de Rijck was al an ut oefene vur prins. Hej zaat op de mök en riep: de prins van 2004 is:Prins Roel dun urste. Mit zien zat gezicht vroeg hej Monique nog efkus ten huwelijk en dur zij zondagmiddag getrouwd werre.

Zondagmerge wier de tent opgeruimd en was dur vlaai van Math en Wilma. 's Middags wier dun BBQ angestokt en de vate leeg gemakt. Ut was un moje afsluuting van un druk wiekend.

Op zaoterdag 29 november 2003 wier de jaorvergadering gehalde. Beneje ien de Liede wier zoas gewoonluk de notule, ut verslag en de ciefers besproke. Dur ware twiëje zwarte piete, die us bej de carnavalsvereniging gekeke en geluusterd han. Ut was un rustige vergadering. De C.V. viend ut wel prettig as ur leje ur meninge gève, dit mudde zowel op de vergadering doen as daorbute. Un kritische noët hald ôs scherp!

Prinsroaje

Op zondag 28 december wier dur an de deure ien Oeldere gevraagd wie d'n Neje Prins zij werre. De carnavalsvereniging zette de schienwerper ien 't Krentje op un aantal kandidate (Jan Janssen, Rob Pluk, Roel de Rijck en Hans Loonen) en ok stond dur daadwerkeluk un schienwerper ien dun tuin. Wie o wie zij de neje prins van Oeldere werre. Veul meense dochte dat de prins uut de raod zij komme.

Op nejjaorsdag wier dur ien d'n Terp natuurluk wer flink gewed en gepraot ovver de neje prins. Ozze Prins Thej kwaam op ut end van zien princariëre mit un wild idee. Hej vond ut wel moj as de prins, prinses, bestuur, raod, Marco, Angelique en de vrollie op nejjaorsdag un nejjaorsduik ginge neme. Hej vond dit wel un moje weddeschap. Alle watjes die nie ien ut water ginge mosse um un vat bier gève en as ut ganse gevolg ut water ien ging, kreege wej 3 vate bier van um.

Op 4 januari bej ut Prinsafteeje kwaam Thej hier naturluk op terug. Ut aftreeje van dun Prins was ien d'n Terp. D'n Terp zaat goed vol, dur was veul volk op afgekemme. Ex Vorst Marco blikte terug op ut Prinsejaor van Prins Thej en zien Prinses Willem. Mit foto's wier nog efkus ut ganse seizoen durgenome. Prins Thej en Prinses Willy bej dizze wille wej ollie bedanke vur ut moje prinsejaor 2003. An al ut moje kumt un end en Thej en Willy mosse de mantels en vère ienlevere. Ut aftreje wier opgeluusterd dur os kersverse joekskapel "de Mök is los". Nao ut aftreje ginge wej mit "de Mök is los" veurop naor de Linde. Daor begos de Prinseproclamasie. Un raar idee dat Thej gèn prins mèt is en dur ovver enkele uren al wèr enne neje is. Op ut podium zaatte de Prins en Prinses mit de rug naor ut publiek toe op de mök. Vurdut den mök zich um zeuj drèje mosse dur urst un paar minse komme (bak)fietse. Onder ut fietse gaaf Vorst Ruud de anwiezinge. De belangriekste anwiezing was toch wel dat de prins Monique de mojste vrouw van Oeldere vond. As urste mos Richard Geurt komme en fietse mit zien Moniek ien dun bak. Den haj te weenig codiesie want d'n mök bleef stokstief staon. Roel de Rijck was de volgende mit zien Monique ien dun bak, ok den bereikte niks. Rob Pluk den Monique ok de mojste vrouw van Oeldere vond umdat zien Linda nog altied gènne Mök was mocht ut daornao probiere mit Linda ien de bak. De spanning kwaam dur nou echt goed ien want de zaal begos te geluève dat Rob ut zeuj wèrre. Dat dur altied baas bove baas is bleek nou wel want de mök drejde zich um en daor zaat Rob ziene baas, ut neje prinsepaar van Oeldere: Prins Hans II en zien Prinses Monique Loonen. Mit de liefspreuk "Zet de bloeme mar buute en mak veul lol, mit Carnaval gaon wej uut ozze bol. Vervolges was ut de beurt an ut jeugdtrio. Nao un hoëp geflits kwaame zej tevurschien: Jeugsprins Rob (Jacobs), Jeugdvorstin Mirthe en Jeugdinar Gijs. Mit dees drie veurop zal ut vur de jeugd enne verrekes goeje carnaval werre want dizze zondag waare zej al nie van de vloer te kriege. Nao de urste polonaises van dit neje jaor was ut de beurt an Oeldere Oëst um ut boerebruidspaar bekend te gaon make. Wilhelm aus Tirol bestuurde de skibus mit de potentiële bruidjes en brudegomme. Umdat de skibus den berg nie opkwaam mosse dur un hoëp uut de bus, waornao uiteindeluk ut boerebruidspaar vur 2004 onder de motorkap uitkwaam: Bep Geerets en Math Drabbels.

Nou kos de carnaval echt beginne, alle platse ware wer vurzien van neje meense die dur allemaol biëstig veul zin ien han. Dur wier nog lekker dur gefiëst ien de Linde. Daorna zien wej bej ozze kersverse Prins eier gaon ète. Ut was daor lekker druk en gezellig. Ton Jen was ok daor eier an ut ète en zaat dur gezellig te prazele. Toen hej naor huus ging het hej nog efkus achterstevurre gegete op de veranda. Dun hond van ozze prins hèt alles netjes opgeruimd. Gelukkig is hej hielhuuds huus gekomme.

Nao ut eier ète zien wej nog naor d'n Terp gewest wor ut ok wer gezellig was, mar nie mèt zo druk. Dur wier nog nao gepraot ovver de Prinseproclamasie.

Op zaoterdag 17 jannewarie stond de Jeugd Bonte Aovend op ut programma. Ens ien de drie jaor is de Jeugd Bonte Aovend. Dizze aovend is vural bedoeld vur de klènste mökskes ien Oeldere. Um 18.00 uur zaat de mökkestal wèr vol. Vorst Ruud opende dun aovend en Jeugdprins Rob liet wer us zien goed te kunne speeche. Prins Hans kreeg van Vorst Ruud nog zien prinseketting en toen ging ut echt beginne. Ceremoniemèster Job Loone kwaam as darter naor bove en praote dun aovend an en. Job moog alles uut zien blote bol doen umdat vader Hans op ut verkierde knupke van dun comuter haj gedrukt. Mar Job deej dat uut de kunst, wat un spreker is die man. Dun aovend wier gevuld mit liedjes, veul dans, dörpspolitiek, toniël, un drumact en de minimoppentrommel. Kortum ut was enne moje aovend. Wej hoeve os vur de toekomst gèn zurg te make ovver dun Bonte Aovend dur zit genoeg tallent bej. Ut moje van de Jeugd Bonte Aovend is da gè meense ziet die bej andere carnivalsactiviteiten nie anwezig zien.

Carnaval is vur jong en ald. Net was jong an de beurt, nou is de beurt an de jeugd van vroeger. Zoëas altied was ut wer vol en gezellig. Nao un polonaise en un praotje van de Prins en Vorst mochte Loone Ger en Loone Gon van de fietsclub op unne hoomtrainer utmake wie op de urste plats zeuj gaon eindige van ut fietsseizoen. Gon haj wat dreier durgetrejt en won de strijd. Prins Hans haj dizze aovend twëj hofdames tot zien beschikking zien egge moeder en zien tante Thea. Nao nog wat hosse en danse kwaam de volksdansgroep op. Ok ware Loone en Thei wër van de partij mit urre schaellewazel en zurgde vur de nuedige humor op dun aovend. Frans Bauer kwaam nog un optreje verzurde. Nao wat vrage stelle wier hej toch ontdekt: Ton Jen. Op ut eind van dun aovend moog Joëste Jan nog un stukske fietse umdat hej wel errug wennig kilometers haj gefietst ien ut fietsseizoen. Jan fietste un eind an dizze moje aovend.

Aldwieverbal

Dun dag is wer angebrooke, vur ut fiëst der fiëste. Gans Oeldere is utgeloëpe um te laote zien wie ut mojste, lellukst en ut mèst onherkenbaar zien. Bej elke groep die binne kwaam ging de sirene af en de zwaailampe an. Dur hebbe 25 groepe en duos mit gedaon. De commissie haj goed gezurde dur was genoeg koaje, parsvleis en bloedworst. Ok smieke de pries wër heerluk. Bej de groepe haj de Schienwerper op... gewonne, Wej zien ien de 7^{de} hemel mit....haj de twedde pries en Familie Flodder haj de derde pries. Bej de duo's haj ut ut Chips oplaajpunt gewonne. Dur leij vloerbedekking ien de zaal waardoor ut un stuk minder glad was. wel zurgde dit vur minder spectaculaire glijpartije. Ut was jaommer dat de band die geboekt was un paar daag van tevurre af haj gebeld. Wej mosse helaas genoeg neme mit un band die minder was, mar al mit al was ut unne geslaagde aovend. Mit de raod zien wej eier gaon ete bej Eric Geurts. Waor Selm Nelissen op zien eige wijze eikes a la Selmke bakte, dat ware heerlijke eikes.

Circus Mök

Vrejdags durop ginge wej op utnuëdiging van de Piëlhaas naor Circus Mök. De Piëlhaas biedt de carnavalsveriënigingen die angeslote zien bej de vorsteraod vort jaorluks an um enne aovend mit te make op Circus Mök. Wej hebbe daor enne moje aovend gehad.

De urste febrewari wier de moj kantine van SVOC geopend. De Spurrimök boj an um unne kier eier te bakke vur SVOC. SVOC moog dur unne moje dag vur uut kieze. Dat hebbe ze dan ok gedôn, zellufs de Schanseknuppels hielpe mit. Op de latste wedstrijddag wiere dur flink wat eikes gebakke en gegète.

Ienmiddels was ozze carnavalskrant ut Spurriemökske ok wer verrig. Dit jaor un moje krant mit un prachtige veurkant en leuke stukskes.

Reseptie

De reseptie was moj en druk bezocht. Iën van de mojste momente vur ut Prinsepaar en ut Jeugdprinsetrio is de reseptie. Dur wiëre zoas gewoonluk stukses opgevoerd en liedjes gezonge. Zoë as altied unne lange dag en un druk bezochte reseptie, mar zeker ok un gezellige reseptie. An ut eind van de reseptie kreege de stoppers Twan Voermans, Martien Steeghs, Eric Loonen (mit uitzondering van Erik Geurts) en Wout en Marc un onderscheiding uutgereikt dur de Vorstenraad umdat zej 11 jaor mit de kieps op de kar van os vereniging mit hebbe getrokke. Jongus nogmaals bedankt vur ollie ienzet. Wej hope dat alle raodsleje minimaal 11 jaor bej ozze raod blieve en dat Marc en Wout dur nog 11 jaor an vast plèkke. Nao ut officiele diël is dur nog flink gefiëst ien de Liende. Vervolges is de raod eier gaon ète bej Emiel en Ankie. 's Avus was ut errug rustig ien d'n Terp. Iederiën haj de piep vort leeg.

Op 14 febrewari ware Nel en Wil Willems 25 jaor getrouwd. Un brulloft van os Ierelid kunne wej nie ongemerkt vurbej laote gaon. Un brulluft ien carnivalssfeer kan nie zonder proclamatie. Vandaar dat ut bestuur, ut Prinsepaar en de Mök gezameluk de proclamatie hebbe overhandigd en Nel en Wil nog veul geluk toegewest hebbe vur de kommende 25 jaor.

Op zondag 25 febrrewari haj ut Veule reseptie vur de jeugd. De jeugdcarnaval bestond daor 3x11 jaor. De jeugdcommissie, ut jeugdtrio en jeugdraod hebbe iederiën un hendje geschut. Jeugdprins Rob hèt daor wèr en vlammende speech gehalde en Oeldere goed vertiggewoordigd..

De carnaval kumt al ien zicht. Ut is al snel donderdagaovend. Tiggeworrig vur de carnivalsveriëninging ut begin van de carnaval mit un bezuuk an de carnivalsaovend van de SJMO.

Vrejdagsmiddags volgt dan ut carnivalsbal van de leggere schol ut is moj um te zien hoe die klène allemaol mitdoen en vechte um dèn mantel vast te meuge halde.

Op vrejdagaovend was ut tied um op ziekebezuuk te gaon. De bruur van ôs Prinses Monique wont bej de professor Dubois stichting, dus wie daor un bezuuk an gebraogt. Dur wier nog unne gezellige aovend van gemakt.

Ut kleinste mökske wier dit op carnivalszaoterdag bej Robert en Corine Michels ien de tuin gezet. Dit jaor was was ut klènste mökske Lars Michels. Um 11.11 uur wier ut mökske geplatst en beschuut mit muuskes gegete.

Vur de verandering was ut rustig ien ut Gemèntehuus bej de installatie van de prinse van de Gemènte Venroy. Dur moge mar un beperkt aantal raadsleje mit. Burgemèster Waals maeide ut gras vèst weg en begos ovver zien eige wanbeleid bej de gemènte. Vur ankommend jaor is dur in iedergeval genoeg stof vur de kerkdurpe. Vorst Piet van de Luense Knöllekes haj un snelle rake speech.

De vastelaovesmis was wer erg druk bezocht. De Jeugdband zurgde vur en moj stukske muziek. De Kelderband wert in ieder geval goed opgevolgd dur dees jonge jonge en vrollie As leste ien de vastelaovesmis was het de beurt an ozze vurzitter den ien ziene speech ut drèje onder de aandacht braogt. De carnaval ien Oeldere den mot drèje, den drèjt en hopeluk drèjt den nog hiel lang. Ok mit de carnivalsdaag drèjde wel us unne kier. An ut eind wier ozze Vorst Ruud den nie anwezig kos zien gebeld um uum en Natasja un hart onder de riem te stèke en um Ruud te bedanke as Vorst en te hoope dat hej nog lang Vorst van Oeldere blijft.

Nao de mis ginge wej vur dun 16^e kier bej pastoër op de koffie . Ien de pastorie kreeg pastoër vervolges nog un moj carnivalsonderscheidinge um ien ziene kast te hange. Ut kado viel bej Patoer en Jet goed ien de smaak. Vur de verandering haj ut prinsepaar zelluf vur de kadoos gezurgd. Bej Hans en Monique kos ut natuurluk niet toepasselijker bloembolle. Vur ut hundje van pastoër han ze un bot dat grutter was as ut hundje.

Nao ut korte bezuuk an de pastorie volgde ut Mökkebal ien de Linde.

Zoëas wej ien Oeldere gewent zien was ut unne gezellige aovend. De band was kei goed en zurgde ok vur un geweldige sfeer. Iederien duj mit en wier gek. Nao afloop wiere dur nog wat eikes gebakken ien de Liende. Kortum de opening was kei goed.

Zondag rond de middag wierre Prins Hans, Prinses Monique en Jeugdprins Rob afgehald mit de carnivalswage. De carnivalswage kos nie ondur ut viaduct dur dus wier ut prinsepaar ien dun augurkebak opgehald onder begeleiding van ôs eige joekskapel "de Mök is los". Daornao zien wej mit zien alle dat wil zeggen de Raod, Jeugdtraod en de Mök is los en anhang bej d'n Terp aangegaon vur de brunch. Dizze brunch was goed verzugd. Nao de brunch was d'r efkes tied um bej te kletse en os veur te bereide op ut kienderbal. Dur wiere ok nog wat medailles uut gereikt. Richard Geurts haj goed naor Wout geluusterd ien de mis. Hej was kwiet en volges Moniek zaat hej thuis te dreije, hej drejde later nog op tied af ien dun Terp en kreeg dor ziene medaille.

Ut kienderbal was gezellig en goed bezocht. De spurriemökses han ur best gedaon op de kleurplate en de pries wiere 's middags dan ok uutgereikt. Ozze Prins Hans en Prinses Monique en ut jeugdtrio ginge veurop en dun goed mit. Dur wier veul gehost en gedanst. 's Oavends ien d'n Terp was ut moj vol en kei gezellig. Dur wier flink gehost en gespronge en de sfeer was goed.

Maondag

's Merges is dur Snotneuzebal. Dit jaor was ut echt fiëst vur de klènste mökskes. Ut is moj um te zien hoe dees klène kiender liere carnaval te viere.

Dit jaor han wej geluk en stonde redeluk an ut begin van de Venrojse optocht. Vanaf de carnivalswage wiere wej toegesproke dur ozze Prins en Vorst. Daornao kwaam ut kienderbal waar ut druk en wèr kei gezellig was. As gej de kiender ziet hosse en danse un schon gezicht vural as zej ur eige muziek hebbe of an die an kunne vraoge.

's Aoves was het kei gezellig ien dun Terp. Dur wier mit vrouwe gesjouwd die vervolges op de grond viel mit un blad bier. Daornao wier dur nog vroluk dur gedanst en gehost. Ok was Lonneke flink ien ur sas zo errug dat ze per ongeluk de boks liet zakke. Kortum ut was net as altied op maondag echt carnaval ien dun Terp.

Dinsdags:

De Boerebrulloftsbuurt haj ur best gedaon en kwaam mit de Tirolerbus richting Oeldere durp. Elke buurt mos mit un groepke spelle uitvoere. Daornao trok dun optocht an un paar meense vurbej, de rest van Oeldere duj mit. Daornao volgde dur un drukke middag ien de Liende. Ut Boerebruidspaar Bets oeps Bep en Math trok veul volluk. Dur wiere un aantal stukskes gedaon. Ok de jeugd kos wèr flink danse en springe op de meziek van dun diejee. Mar dan kumt de boeremoes al wèr ien zicht. Ok dit jaor was dur wèr genoeg vur iederien.

Um tien uur kwaam dur un eind an de jeugdcarnaval. De mök wier angestokt. De jeugdtraod was kei enthousiast ovver den kale van de raod. Wej ware kei enthousiast ovver os jeugdtrio en de jeugdtraod. Dit jaor gaaf de jeugd ut goeje veurbeeld. Zej hebbe kei goed mit gedaon en de stemming was goed.

Drie daag Soos

Druk, hèt, zwiët, veul jeugd. Dat is de soos. De jeugdcommissie van de soos hèt ok dit jaor wèr gezurgd dat de jeugd ien Oeldere caravan kan viere. Bej dizze wille wej de

jeugdcommissie bedanke vur alles wat zej vur de jeugd mar ok vur de carnavalsvereniging doen.

Ien dun Terp was ut vol en gezellig. Dur wier nog lekker gehost, gespronge en gedronke. Toch môs dur um 23.30 uur un moment van afscheid zien. Dit jaor stoppe veul agrispecialisten die 11 jaor de kar getrokke hebben. Erik Loonen de man achter de schermen. Erik was actief lid bej o.a. de technische commissie en ald wieverbal. Eric Geurts was actief lid bej o.a. reseptie en fotocommissie. Twan Voermans is 10 jaor ozze penningmèster gewèst en hèt al den tied mit twië kneeje op de geldkiest gezète.

Martien Steeghs hèt o.a. de krante- en bonte aovendkar getrokke en is actief bestuurslid gewest. Wiliam Steeghs is actief gewèst bej o.a. de bonte aovende en jvv.

Guus Willemsen was betrokke bej o.a. de prinsereceptie, technische commissie en zette regelmatig un vraogteken. Jonges bedankt vur ollie ienzet al die jaore, ok de vrollie bedankt vur ut laote gaon en ondersteune van de jonge. Ok wille wej ollie bedanke vur de gezelligheid.

Toen kwaam dur un eind an de carnaval. Prins Hans en Prinses Monique wiere nog efkus op ut biljart gezet. Waorna wej mit zien alle naor buute ginge um de mök an te stoke. Daorna wier dur nog nao gefiëst en gekletst ovver un zwaor mar biëstig moj carnavalsseizoen.

Kortum Carnaval 2004 was en prachtig fiëst. Prins Hans, Prinses Monique, Vorst Ruud, Jeugdprins Rob (Jacobs) Jeugdvorstin Mirthe (Nelissen) en Nar Gijs (Voesten), de Kelderband, de Mök is los, de Jeugdband, Bestuur, groëte en klène raod en alle carnavalsvierders bedankt vur dit geweldige jaor.